

BOSNIA AND HERZEGOVINA
FEDERATION OF BOSNIA AND HERZEGOVINA
**MINISTRY OF TRANSPORT AND COMMUNICATIONS OF
THE FEDERATION OF BOSNIA AND HERZEGOVINA**

Broj: 02/2-2-02-2-188-1/26
Mostar, 9.6.2026. godine

ZASTUPNIČKI DOM PARLAMENTA FEDERACIJE BiH
Hamdije Kreševljakovića br. 3, 71 000 Sarajevo
- n/p gosp. Ivan Miličević, tajnik
- n/p gosp. Sandi Salkić, zastupnik

VLADA FEDERACIJE BiH
Hamdije Ćemerlića 2, 71000 Sarajevo
- n/p gđa. Edita Kalajdžić, tajnik

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 25-06-2026			
Org. jed.	Broj	Priloga	Vrijednost
05/1	- 02 -	22	/ 26

PREDMET: Odgovor na zastupničko pitanje, dostavlja se

Veza: akt Vlade Federacije BiH broj: 03-04-155-15/26 od 26.1.2026. godine

Poštovani,

Federalnom ministarstvu prometa i komunikacija, aktom broj: 03-04-155-15/26 od 26.1.2026. godine, dostavili ste zastupničko pitanje, koje je pisanim putem uputio gosp. Sandi Salkić – zastupnik u Zastupničkom domu Parlamenta Federacije BiH. Zastupnički upit se odnosio na pokretanje procedure izrade i donošenja odluke o razvrstavanju javne ceste koja povezuje: MZ Ostrožac – MZ Majetići – MZ Miostrah – MZ Stijena (Grad Cazin), a koja trenutno ima status lokalne ceste, u regionalnu cestu. Aktom broj: 02/2-2-02-2-188/26 od 4.2.2026. godine, a kako je odredbama članka 9. stavak (1) Zakona o cestama Federacije Bosne i Hercegovine („Službene novine Federacije BiH“, br. 12/10 i 16/10-isp i 66/13), propisano da mjerila i kriterije za razvrstavanje javnih cesta i odluku o razvrstavanju javnih cesta, osim lokalnih cesta, sukladno Smjernicama i Mjerilima, kriterijima i Odluci Vijeća ministara BiH, utvrđuje Vlada na prijedlog Federalnog ministarstva prometa i komunikacija u suglasnosti s kantonalnim ministarstvima mjerodavnim za poslove prometa Federalno ministarstvo prometa i komunikacija je predmetnu inicijativu prosljedilo na mišljenje/suglasnost Ministarstvu privrede Unsko-sanskog kantona i Gradu Cazin.

Dana 26.3.2026. godine, Federalno ministarstvo prometa i komunikacija je zaprimilo odgovor od Grada Cazin aktom broj: 01/GN-11-2316/26 od 13.3.2026. godine u kojem se navodi da Javna ustanova „Komunalno-stambeni fond“ Cazin u sklopu redovnog zimskog održavanja cesta u sezoni 2025/2026 godine za predmetni cestovni pravac je izdvojila 39.712,65 KM dok je u sklopu redovnog ljetnog održavanja planirano 23.600,00 KM, te s obzirom da je dionica u relativno dobrom stanju, zadovoljava sve uvjete prekategoricizacije u viši rang.

Dana 1.6.2026. godine, Federalno ministarstvo prometa i komunikacija je zaprimilo odgovor od Ministarstva privrede Unsko-sanskog kantona, broj: 06-04-2665-4/25 od 22.5.2026. godine u kojem se navodi kako je člankom 8. Zakona o cestama („Službene novine Federacije Bosne i Hercegovine“, broj 12/10, 16/10-ispr. i 66/13) propisano da su regionalne ceste prvog reda namijenjene za prometno povezivanje ekonomskih područja države ili entiteta, značajnih središta lokalnih zajednica, kao i za prometno povezivanje s cestama iste ili više kategorije, a regionalne ceste drugog reda namijenjene su za prometno povezivanje središta lokalnih zajednica u okviru određenog entiteta za povezivanje turističkih i graničnih područja značajnih za državu, te za povezivanje graničnih prijelaza sa cestama iste ili više kategorije kada po propisanim kriterijima kategorizacije ne dostignu višu kategoriju. Istim člankom Zakona o cestama propisano je da lokalne ceste povezuju naselja u općini sa naseljima iz susjednih općina ili povezuju važnija naselja unutar općine, te povezuju promet na druge javne ceste ili više kategorije. Navodi se također, kako u konkretnom slučaju predmetna lokalna cesta ne zadovoljava zakonske uvjete za razvrstavanje javne ceste u regionalnu s obzirom da povezuje mjesne zajednice (naselja) u istoj općini/gradu, te da sukladno navedenom nisu suglasni da se lokalna cesta MZ Ostrožac – MZ Majetići – MZ Miostrah – MZ Stijena razvrsta u regionalnu cestu.

Iz navedenog razloga, a u cilju potpune informiranosti i cjelovitog uvida u dostavljene navode i obrazloženja, u prilogu dostavljamo presliku akata Grada Cazin, broj 01/GN-11-2316/26 od 13.3.2026. godine i Ministarstva privrede Unsko-sanskog kantona, broj: 06-04-2665-4/25 od 22.5.2026. godine.

S poštovanjem,


Prilog:

- kao u tekstu.

Dostavljeno:

- Naslovu
- Evidenciji
- Arhivi





Broj: 06-04-2665-4/'25
Bihać, 22.05.2026. godine

01 05 2026

Federalno ministarstvo prometa i komunikacija

Tvrtka Miloša bb
88 000 Mostar

Predmet: **Odgovor na Vaš akt broj: 06/4-02-2-188/26 od 04.02.2026. godine,**
dostavlja se

Poštovani,

Federalno ministarstvo prometa i komunikacija nam se obratilo aktom broj: 06/4-02-2-188/26 od 04.02.2026. godine gdje navodi da su zaprimili zapisničku inicijativu koju je na redovnoj sjednici Zastupničkog doma Parlamenta Federacije Bosne i Hercegovine, održanoj 19. siječnja 2026. godine podnio zastupnik Sandi Salkić kojom se traži razvrstavanje lokalne ceste MZ Ostrožac-MZ Majetići-MZ Miostrah-MZ Stijena u regionalnu cestu.

Dalje navode, Federalno ministarstvo prometa i komunikacija u skladu sa svojim nadležnostima da bi pokrenuli proceduru razvrstavanja cesta potrebno je da im dostavimo mišljenje/saglasnost na gore navedeni prijedlog, iznose sredstava koja će biti potrebna za održavanje nove regionalne ceste, imamo li osigurana sredstva u 2026. godini i hoćemo li planirati predmetna sredstva u 2027. godini i 2028. godini, te koju će oznaku nositi buduća regionalna cesta.

JU Direkcija regionalnih cesta USK ima u nadležnosti oko 411 km regionalnih cesta za čije održavanje, sanaciju i rekonstrukciju nema dostatna sredstva i nisu osigurana sredstva za održavanje novih regionalnih cesta u 2026. godini. Općine/gradovi Unsko-sanskog kantona podnose inicijative za prekategoriizaciju velikog broja lokalnih cesta u regionalne ceste. Time se općine/gradovi žele riješiti lokalnih cesta iz svoje nadležnosti i obaveze upravljanja istim. Općine/gradovi imaju bolju poziciju za efikasnije i ekonomski jeftinije održavanje cesta na svom području.

JU Direkcija regionalnih cesta USK ima u planu smanjenje kilometara regionalne cestovne mreže za one pravce koji su izgubili karakter regionalnih cesta, kako bi raspoloživim finansijskim sredstvima iste doveli na propisan saobraćajno-tehnički nivo.

Član 8. Zakona o cestama ("Službene novine Federacije Bosne i Hercegovine", broj 12/10, 16/10-ispr. i 66/13) propisuje da su regionalne ceste prvog reda namjenjene za saobraćajno povezivanje ekonomskih sa cestama iste ili više kategorije, a regionalne ceste drugog reda namjenjene su za saobraćajno povezivanje središta lokalnih zajednica u okviru određenog entiteta za povezivanje turističkih (turističke ceste) i garničnih područja značajnih za državu, te za povezivanje graničnih prijelaza sa cestama iste ili više kategorije kada po propisanim kriterijima kategorizacije ne dostignu višu kategoriju.


Istim članom Zakona o cestama određeno je da lokalne ceste povezuju naselja u općini sa naseljima iz susjednih općina ili povezuju važnija naselja unutar općine, te povezuju saobraćaj na druge javne ceste ili više kategorije

U konkretnom slučaju predmetna lokalna cesta ne zadovoljava zakonske uslove za razvrstavanje javne ceste u regionalnu obzirom da povezuje mjesne zajednice (naselja) u istoj općini/gradu.

Obzirom na gore navedeno **nismo saglasni** da se Lokalna cesta MZ Ostrožac-MZ Majetići-MZ Miostrah-MZ Stijena razvrsta u regionalnu cestu.

S poštovanjem,

Akt pripremio:
Almir Smajić




Dostavljeno:

- ① Naslovu,
2. Arhiva,
3. a/a.



Ministrica:



Samra Mehić, scr



06/7
27/3/26

Broj: 01/GN-11-2316/26
Cazin, 13.03.2026. godine

26-03-2026

**BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO PROMETA I KOMUNIKACIJA
ul. Tvrtka Miloša bb
88000 Mostar**

**Predmet: Mišljenje, dostavlja se.-
Veza, Vaš akt broj: 06/4-02-2-188/26 od 04.02.2026. godine**

Dana 16.02.2026. godine zaprimili smo Vaš akt broj: 06/4-02-2-188/26 od 04.02.2026. godine u kojem se navodi da je navedeno Ministarstvo zaprimilo zastupničku inicijativu kojom se traži razvrstavanje lokalne ceste MZ Ostrožac-MZ Majetići-MZ Miostrah-MZ Stijena u regionalnu cestu.

U skladu sa članom 9. st. 1 Zakona o cestama FBiH (Sl.novine FBiH, broj: 12/10, 16/10 i 66/13), navedenim aktom traženo je mišljenje/saglasnost Grada Cazin na navedeni prijedlog za razvrstavanje predmetne lokalne ceste u regionalnu cestu kao i informacija koliki iznos sredstava će biti potreban za održavanje nove regionalne ceste, postoje li osigurana sredstva za održavanje nove regionalne ceste u 2026. godini, da li će se planirati predmetna sredstva u 2027. i 2028. godini po stupanju na snagu predmetne Odluke Vlade Federacije BiH, te koju oznaku će nositi nova razvrstana regionalna cesta.

U vezi s tim, aktom Gradonačelnika broj: 01/GN-11-2316/26 od 18.02.2026. godine traženo je mišljenje od strane Javne ustanove „Komunalno-stambeni fond” Cazin u čijoj nadležnosti je izgradnja, rekonstrukcija, održavanje, zaštita i upravljanje lokalnim i nekategorisanim putevima na području Grada Cazin.

Aktom navedene Javne ustanove broj: 02-19-556-1/26 od 27.02.2026. godine, Gradonačelniku je dostavljeno mišljenje u kojem se navodi da predmetni putni pravac spada u kategoriju lokalnog putnog pravca, da Javna ustanova „Komunalno-stambeni fond” Cazin u sklopu redovnog zimskog održavanja puteva u sezoni 2025/2026 godine za predmetni putni pravac izdvojila je 39.712,65 KM dok je u sklopu redovnog ljetnog održavanja planirano 23.600,00 KM, te obzirom da je predmetna dionica u relativno dobrom stanju, smatramo da lokalna cesta MZ Ostrožac-MZ Majetići-MZ Miostrah-MZ Stijena zadovoljava sve uslove prekategoriacije u viši rang.

Za sva dodatna pitanja u vezi navedenog možete kontaktirati Šefa Službe za tehničke i operativne poslove u JU „Komunalno-stambeni fond” Cazin na broj telefona: 037/515-270.


S poštovanjem!

DOSTAVLJENO:

- 1.Naslovu,
- 2.Evidencija,
- 3.Arhiva.

Obradivač: Stručni savjetnik za pravne poslove i ljudske resurse
Zrinka Akmadžić, bachelor prava

Šef Službe za stručne poslove gradonačelnika
Jasna Samardžić, dipl.pravnik



GRADONAČELNIK

mr. Nermin Ogrješević